

Yayasan Wilayah Persekutuan Sumbang RM20,000.00



Labuan, 23 Ogos – Menteri Wilayah Persekutuan, YB Dato' Seri Shahidan Kassim telah menyampaikan sumbangan sebanyak RM20,000.00 kepada SMK Labuan pada Sabtu lalu. Sumbangan tersebut sebagai bantuan pembelian buku-buku rujukan bagi kegunaan pelajar-pelajar Tingkatan Enam di sekolah berkenaan.

Majlis yang dihadiri oleh barisan pentadbiran sekolah, semua pensyarah Pusat Tingkatan Enam dan para pelajar Tingkatan Enam telah diadakan di Dewan Mutiara.

Penolong Kanan Tingkatan Enam, Encik Saminan Sabtu berkata sumbangan tersebut adalah manifestasi keprihatinan kerajaan dalam meningkatkan kualiti pembelajaran pelajara-pelajar di pulau ini.

“Saya berterima kasih kepada Yayasan Wilayah Persekutuan kerana telah bersama-sama membantu dan menyumbang ke arah kemenjadian pelajar-pelajar di Labuan. Sumbangan ini bukan sahaja telah menyuntik semangat pelajar-pelajar Tingkatan Enam malah juga guru-gurunya”. ujar beliau yang mewakili Pengetua sekolah.

Dalam majlis itu juga YB Dato' Seri Shahidan bersama rombongan sempat meluangkan masa dan beramah mesra bersama semua hadirin.

Turut hadir ke majlis tersebut ialah Ketua Pegawai Eksekutif Yayasan Wilayah Persekutuan YBhg. Datuk Zaizalnizam Zainun, Timbalan Ketua Pegawai Eksekutif Perbadanan Labuan, Tuan Haji Rithuan Ismail dan Timbalan Pengarah Pendidikan, Encik Yahya Ahmad Puteh.

Berita Oleh : SMK Labuan



Dato' Seri Shahidan Kassim beramah mesra dengan pelajar-pelajar SMK Labuan